

太平寰宇記

第四十六冊

太平軍年記

吳昌年著

太平寰宇記卷之一百八十七

四夷十六

西戎八

塞內六國

羌無弋

塞內西戎總序

西戎之雜居中國蓋自殷之衰古公居豳

今邠寧等州爲

犬戎所逼乃避而踰梁山之岐山之下

其豳卽後義渠戎之

所居也

至犬戎敗幽王于驪山自隴山以東及乎伊

洛往往有戎春秋傳曰先王居櫛杙于四裔故允

姓之姦居于瓜州晉惠公自秦歸晉遷陸渾之戎

于伊川今陸渾地也故絲諸狄獬音桓之戎今渭川

也邽冀之戎今秦州也大荔之戎今鄜坊也驪戎

今渭南也楊拒泉皋之戎今伊洛之間也蠻氏之

戎今許潁也陰戎今商州也秦始皇逐西戎出塞

故漢初西戎稍遠至孝武開河西置四郡其後羌

先零種圍枹罕今爲縣零音枹音俘漢擊平之始置護羌

校尉至宣帝代又寇金城今蘭會可鄯等州也趙充國立屯

田且討且招降者三萬餘人置金城屬國以處之

自後賓服後漢建武中寇金城馬援討破降之徙

七千口于三輔

今京兆同岐隴等州也

和帝後又反叛豪滇

零稱天子南入益州

今漢川漢中等郡地

東犯趙魏

今趙魏鄴等郡

地

寇及雍城

今懷州北故城是

十餘年然後破散順帝永

和中又叛馬賢戰歿後段熲窮討及靈帝末始定

自光武以後匈奴少事惟西羌屢梗焉魏晉二代

時亂關隴不至大害永嘉以後吐谷渾興焉本遼

東鮮卑晉時數百戶西附于陰山屬晉亂遂吞并

諸羌而有其地至其孫葉延遂爲強國後魏末其

主夸呂自號可汗建官多效中國洎隋煬帝遣觀

王雄統大兵破之其主伏允遠遯收其地列置郡

縣鎮戍後轉衰弱唐初吐蕃始興焉其帥後魏末

起自臨松郡丞故其主有贊府之號

後魏臨松郡今甘州張掖

縣

高宗時遂滅吐谷渾盡有其地將軍薛仁貴等

大敗于大非川儀鳳中工部尚書劉審禮又率兵
十八萬敗沒于青海調露中中書令李敬玄又大
敗于大非川如意初王孝傑方大破之始復龜茲
等鎮萬歲通天初又寇梁州都督許欽明戰沒因
贊府殺其名將論欽陵之後累破敗紛紛矣

羌無弋

羌無弋爰劍者秦厲公時爲秦所拘執以爲奴隸未

詳爰劍何戎之別也後得亡歸而秦人追之藏于

巖穴中得免與劓女遇合于野遂成夫婦女恥其

狀被髮覆面羌人因以爲俗遂居亡入三河間

卽黃河析支河湟中河今金城隴西安鄉郡之西諸羌共畏事之推以爲

豪河湟間以射獵爲事爰劍教之田畜種人依之

者益眾羌人謂奴爲無弋以爰劍嘗爲奴隸故因

名之其後代代爲豪至爰劍曾孫忍時秦獻公之

後孝公復穆公之迹穆公霸有西戎故欲復之忍季父卬畏秦

之威將其種人附落而南出析支河曲西數千里

與眾羌絕遠不復交通其後子孫分別各自爲種

任隨所之或為鰲牛種越嶲羌是也今越地或為白

馬種廣漢羌是也今梓潼遂寧巴西德陽也或為參狼種武都

羌是也今武都郡忍及弟舞獨留湟中忍生九子為九

種舞生十七子為十七種羌之興盛自此起矣及

忍子研立研豪健故羌中號其後為研種秦始皇

時兵務東向故種人得繁息秦既併天下使蒙恬

將兵略地西逐諸戎北卻眾狄築長城以界之至

漢景帝時研種留何率種人求守隴西塞今天水隴西等

郡地于是徙留何等于狄道安故至臨洮氏道羌道

縣並今隴西金城安鄉臨洮等郡也及武帝征伐四夷又西逐諸

羌乃渡河湟築令居塞

塞在今西平郡西北令音零

初開河西

列置四郡

酒泉武威張掖燉煌並今郡也

通道玉門隔絕羌胡于

是障塞亭燧出長城外數千里時先零羌與封養

牢姐

音紫

種解仇結盟與匈奴通合兵十餘萬共攻

令居安故

地在今金城郡

遂圍枹罕漢遣將軍李息將兵

討平之始置護羌校尉統領焉羌乃去湟中而依

西海鹽池之左右

今酒泉郡之北十來里鹽池也

漢遂因山爲塞

河西地空稍徙人以實之至宣帝時羌又相與解

仇寇金城帝遣後將軍趙充國將兵討之充國欲

即今金城郡廣武縣地

以屯田于臨羌東至浩亶

浩音閣

亶音門臨羌縣

太平寰宇記

卷之一百八十七

在西平郡界

務以威信招降罕开

音牽

及劫掠者解散虜

謀乃擊之時已發諸郡兵六萬人酒泉太守辛武

賢奏請即擊之天子下其書令充國博議往返者

三四遂兩從其志武賢出擊羌破降數千人詔罷

兵獨充國留屯田明年五月充國奏言羌本可五

萬人軍凡斬首七千六百級降者三萬一千二百

人溺河湟饑死者五六千人定計遺脫與煎鞏黃

羗

並各是羌種悉音氏

俱亡者不過數千人初置金城屬國

以處降羌從爰劍種五代至研研最豪健自後以

研爲種號十三代至燒當復豪健其子孫更以燒

當爲種號自元帝以後數十年四夷賓服邊塞無事至王莽末豪滇良內侵及後漢初遂寇金城隴西司徒掾班彪上言今涼州部皆有降羌被髮左衽而與漢人雜處習俗旣異語言不通數爲小吏黠人所見侵奪窮恚無聊故致反叛夫蠻夷寇亂皆由此也請依舊制益州部置蠻夷騎都尉幽州部置領烏桓校尉涼州部置護羌校尉皆持節鎮護理其怨結歲時循行問所疾苦又數遣使驛通道動靜使塞外羌夷爲吏耳目州郡因此可得警備今宜復如舊以明威防光武從之卽以牛邯爲

護羌校尉及邯卒而職省建武十一年先零種寇

臨洮

今和政郡地

隴西太守馬援破降之後徙置天水

今郡地也

隴西

今隴西及金城郡南境地是

扶風三郡

今扶風汧陽新平等郡地

自燒當至滇良代居河北大允谷後徙大小榆中

榆中在今金城西平等郡之間

由是始強至其子滇吾永平初漢

遣中郎將竇固等擊破降之徙七千口置三輔而

滇吾諸弟迷吾等數爲寇盜章帝時馬防等討破

之于是臨洮索西迷吾等悉降防乃築索西城

在今

和政郡界是

自後或降或叛少有寧歲和帝時迷吾子

迷唐復將兵向塞金城太守侯霸及諸郡率兵破

之羌眾折傷種人瓦解迷唐遂孤弱眾不滿千人

遠踰賜支河首

卽析支河

依發羌居明年安定降羌燒

河種脅諸羌數百人反叛

安定郡今安定平涼及會寧郡東境

郡兵

擊滅之時西海及大小榆左右無復羌寇隃麋相

曹鳳上言

隃麋縣名在今析陽郡界隃音俞

西戎爲害前代所患

且以近事言之自建武來其犯法者常從燒當種

起所以然者以其居大小榆谷土地肥厚又近塞

內諸種易于爲非難以攻伐南得種存

種存別種羌名也

以廣其眾北阻大河因以爲固又有西海魚鹽之

利緣山濱水以廣田畜故能强大常雄諸種恃其

權勇招誘羌胡今者衰困黨援壞沮親族離叛餘勝兵不過數百流亡逃竄遠依發羌臣愚以爲宜

及此時建復西海郡縣

漢武逐諸羌置西海郡在今酒泉郡北一千二百里

欲復立之

規固二榆廣設屯田隔塞胡羌交關之路遏

絕狂狡窺欲之源又殖穀富邊省委輸之役國家

可以無西方之擾于是拜鳳爲金城西部都尉將

士屯龍耆

龍耆卽龍支今鄯州縣也

後金城長史上官鴻開置

歸義建威屯田二十七部侯霸復上書置東西邯

屯田五部

邯水名也分流左右今寧塞郡是

增留逢二部帝皆從

之列屯夾河合三十四部其功垂立至永初中諸

羌叛乃罷迷唐失眾病死其子來降戶不滿數十

滇吾曾孫麻奴初隨父東號降居安定時諸降羌

布在郡縣皆爲吏人豪右所徭役積以愁怨安帝

永初元年麻奴兄弟因此遂與種人俱西出塞先

零別種歸湍豪滇零與諸羌大爲寇掠滿奴感切征西

校尉任尚率諸部兵馬與滇零等戰于平襄地在今天

水郡尚軍大敗于是滇零自稱天子于北地招集武

都參狼上郡西河今西河銀川昌化郡也諸雜種眾遂大盛

寇抄三輔斷隴道湟中諸縣粟石萬錢百姓死亡

不可勝計諸郡屯兵救三輔三輔卽京兆扶風馮翊也今京兆扶風馮

翊等郡地也

眾羌乘勝漢兵數剽當煎勒姐之眾攻沒

破羌縣

今西平郡湟水縣界

鍾羌又沒臨洮

今和政郡和政縣界

軍營

久出無功有廢農桑乃詔任尚將吏兵還屯長安

置京兆虎牙都尉于長安扶風都尉于雍

今扶風郡縣

如西京三輔都尉故事至四年大將軍鄧騭議欲
弃涼州虞詡曰不可今羌所以不敢據三輔爲腹
心之害者以涼州在後故也其土人所以摧鋒無
反顧之心者爲臣屬于漢故也若弃其境域徙其
人眾安土重遷必生異志如使雄豪相聚席卷而
東雖武賁爲卒白起太公爲將亦恐不足禦當今

之計宜令四府九卿各辟彼州數人其牧守令長子弟皆除爲冗官外以勸勵荅其功勤內以拘致防其邪計誠能如此則可無患于是四府皆從詔

議時漢中太守鄭勤戰死羌勢轉盛遂徙金城郡

居襄武

漢金城郡理允吾縣地卽今廣武縣漢襄武縣屬隴西郡地卽今隴西郡縣地也

羌眾入寇河東至河內百姓相驚多南奔渡河使

北軍中候朱寵將五營士屯孟津詔魏郡

今魏郡等郡地

趙國

今趙郡是也

常山

今郡地

中山

博陵郡也

繕作塢候六百

一十六所羌旣轉盛而二千石令長多內郡人竝

無守戰意皆爭上徙郡縣以避寇難朝廷從之遂